

Michael Halliwell- Lettre Jèrriaise- 09/01/2021

## La Fé

Bouôjour bouonnes Gens. Ch'est Michael Halliwell ichîn tchi continue mes expéthiences dé ma jannèche en Jèrri.

“Ah, ma fé” j'disons, sans trop penser tch'est qué ch'nna veurt dithe. Mais la fouai ch'est l'héthitage dé tout l'monde. Chaque pèrsonne a eune fé ou autre dans sa mannièthe dé vie.

Quand j'tais mousse dans les dgiêx-neuf chent trente, ma méthe soulait, à mon chevet lors d'aller m'couochi, mé chanter lé preunmié verset du cantique, “Glouaire à Té mon Dgieu chute niet”, ou “Glory to thee my God this night...” Auve chute belle mélodie dans mon tchoeu, j' m'endormais vite.

Achteu Jé d'meuthêmes dans la rue dé Saint Sauveur et quand j'tais pus grand ma méthe soulait m'emmener acanté mon frèthe aux sèrvices pouor les êfants tenus par lé Révérend Frank Killer à l'égyise dé Saint Marc.

Un bieu jour, not méthe n' put pon y aller et dit à not' nosse dé nos emmener à l'égyise. Mais not' nosse 'tait une fièthe Êcossaise, et ou n'allait pon entrer dans eune égyise Anglicane. Ou nous menit un mio pus liain, franchit la rue et

nos vlà, nous nous trouvait dans l'Eglise Ecossaise de St André. La seule différence que j'émérchis ch'tait que jé n' pus pas m'agenouilli. Pourtant à not' èrtou, quand ma mémée découvrit éyoù que j'avions 'té, ou baillit une belle endgeulade à la pourre fille.

Durant l'arlevée des dînmanches, j'ouïvais de temps en temps le son d'une belle musique tchi jouait dans la ville. Jé né savais pon tch'est que ch'tait, mais ma mémée m'dit que jé n' pouvais pon y aller. Ou né m'dit pon pouortchi, mais j'sis cèrtain que ch'tait L'Armée du Salut, terrain défendu aux braves Anglicans !

Quand j'fus plus vyi, envithon l'an dgiêx-neuf chent chînquante, j'démeuthêmes à Saint-Pierre. Achteu j'avais ma bike et j'décidis d'aller éprouver eune aut' église. Un matin, j'allis à l'église catholique du Sacré Coeur à Saint-Aubin. Quand j'èrtouônnis siez mé, ché fut mé tchi èrchut une belle endgeulade de ma méthe.

Mais avec le passage du temps et hardi bein d'prièthes, les chrétchiens c'menchîtent à mus s'entendre. En dgiêx-neuf chent septante-yeune, j'tais minnistré en Anglièterre et j'fus invité à èrtouônnir en Jèrri pour participer dans un projet oecuménique Anglican-Methodiste dans la pâraisse de Saint-Brélade.

Mon partenaire dans l'entreprînse 'tait l' minnistré méthodiste le Révérend Gerald Stoddern et j' nos entendions hardi bein. Même devant not' arrivée dans

l'île j'décidâmes d'aller voir des exemples de ce « partnership » œcuménique dans des paroisses en Angleterre avec notre architecte Monsieur David Barlow. J'nos accordâmes vite sur les grandes esquisses du projet pour un centre à Tchennevais et j'décidâmes que tous les membres de la communauté fussent invités de participer dans la préparation du détail des plans du centre.

À notre énorme plaisir la reine Méthe Elizabeth vint poser la première pierre. Dans cinq ans le projet approchait sa fin et il était temps de célébrer la montée de la grande croix de bois qui devait surmonter le bâtiment. J'invitâmes les musiciens de l'Armée du Salut pour le service, mais je n'osais pas leur dire mon expérience de petit enfant. Un petit temps après que le centre fut ouvert deux mille personnes venaient chaque semaine participer aux différentes activités.

Quelques années plus tard, dans la Semaine de Prière pour l'unité des Chrétiens, j'eus invité à prêcher à la messe dans l'église catholique à Saint-Clement. Dans mon discours j'mentionnai ma visite au Sacré Cœur bien des années auparavant et commentai sur les changements dans nos relations d'chrétiens. A la fin de mon sermon, pour la première et dernière fois dans ma vie de ministre, l'assemblée m'applaudit.

